

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 387447 22 St
Tuzla, 25.04.2022.godine

Općinski sud u Tuzli, sudija Antonela Đaković, kao stečajni sudija u stečajnom postupku nad stečajnim dužnikom **"AMG USLUGE" d.o.o. Sapna, ul. 206 Viteške brigade bb**, nakon provedenog stečajnog postupka donio je dana 25.04.2022.godine sljedeće:

R J E Š E N J E

OTVARA SE stečajni postupak nad imovinom dužnika **AMG USLUGE" d.o.o. Sapna, ul. 206 Viteške brigade bb**, MBS:32-01-0724-19, JIB:4210389890005, račun broj: 11321402022033179 otvoren kod NLB Banka d.d. Sarajevo.

Za stečajnog upravnika imenuje se Besim Hamidović, Križevići 173, 75404 Gušteri, Republika Srpska.

ZAKLJUČUJE SE stečajni postupak nad imovinom dužnika **AMG USLUGE" d.o.o. Sapna, ul. 206 Viteške brigade bb**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 L 387447 20 L od 14.10.2020. godine, otvoren je likvidacioni postupak nad imovinom društva AMG USLUGE" d.o.o. Sapna, ul. 206 Viteške brigade bb, a za likvidacionog upravnika imenovan je Besim Hamidović iz Zvornika. Oglas o otvaranju likvidacionog postupka, kojim se pozivaju povjerioci da prijave svoja potraživanja, objavljen je u Službenim novinama F BiH broj 20/22 dana 16.03.2022.godine i na oglasnoj ploči suda dana 08.03.2022.godine. U zakonskom roku pristigla je prijava potraživanja povjerioca: Uprava za indirektno oporezivanje BiH RC Tuzla od 17.11.2020.godine u iznosu od 50.229,04 KM po osnovu PDV-a i zatezne kamate.

Na ispitnom ročištu dana 26.11.2020.godine, likvidator je izjavio da se ne može izjasniti o navedenoj prijavi potraživanja obzirom da je dana 14.12.2020.godine u spis suda dostavio žalbu broj: L-01-07/20 od 10.12.2020.godine izjavljenu na rješenje o razrezu indirektnih poreza broj 04/5-2/IV-17-1-44-3-1384/20 od 30.11.2020. godine izdato od strane Uprave za indirektno oporezivanje RC Tuzla, te predložio da se likvidacioni postupak nad imovinom „AMG-USLUGE" d.o.o. Sapna prekine do pravosnažnog okončanja navedenog upravnog postupka, a u vezi obaveza likvidacionog dužnika po osnovu PDV-a, te je sud rješenjem od 15.12.2020.godine prekinuo likvidacioni postupak do pravosnažnog okončanja postupka pokrenutog od strane likvidatora. Podneskom od 08.02.2022.godine likvidacioni upravnik je podnio prijedlog za obustavu likvidacionog postupka, obzirom da nije još uvijek okončan postupak pred drugostepenim organom UIO BiH, Banja Luka, a likvidator je utvrdio da dužnik nema imovine za potpuno namirenje povjerioca. Obzirom da društvo nema imovine radi namirenja potraživanja povjerilaca i troškova postupka, predložio je sudu da postupi shodno odredbi člana 9. stav 2. Zakona o likvidacionom postupku, na način da obustavi likvidacioni postupak i izjašnjenje likvidatora smatra prijedlogom za direktno otvaranje stečajnog postupka.

Postupajući po zahtjevu likvidatora sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban. Kako je prijedlog za otvaranje stečajnog postupka podnio likvidator u likvidacionom postupku, to je predložio da sud direktno otvori stečajni postupak, u smislu odredbe člana 103. stav 1. Zakona o stečaju u FBiH. Imajući u vidu da je u smislu odredbe člana 2. stav 1. Zakona o likvidacionom postupku, propisano da se postupak likvidacije provodi radi namirenja svih povjerilaca pravnog lica, unovčenju njegove imovine, a kako likvidacioni dužnik prema izjavi i dostavljenom izvještaju od strane likvidatora ne posjeduje imovinu koja bi činila likvidacionu masu za namirenje potraživanja povjerilaca, sud je dana 08.02.2022.godine donio rješenje kojim se obustavlja likvidacioni postupak, koje rješenje je objavljeno u Službenim novinama broj 12/22 od 16.02.2022.godine i postalo pravosnažno dana 24.02.2022.godine.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), sud je rješenjem od 23.07.2021. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj: 20/22 dana 16.03.2022.godine, oglasnoj tabli suda dana 08.03.2022. godine i na Web stranici suda.

Obzirom da u ostavljenom roku koji je propisan zakonom predlagač, povjerioci ili niti neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama FBiH.